

ii. ° xiii.

(...)

Arrentement fermiers de la viscomté ,  
lacourt ,

**L an mil six cens cinquante deux et lé vingt huitiesme**  
du mois de **septembre** apres midy regnant louis &a

.....

pardevant moi no(tai)re dans ma boutique a villemur  
&a a esté en personne m(aîtr)e **jean bonnet suyvant**  
**les finances residant a th(ou)l(ous)e** faisant **pour et au**  
**nom de messieurs les fermiers du domaine de**  
**la viscomté dudict villemur** suyvant la **procuracion**  
expresse quy luy a( )esté passée par monsieur  
m(aîtr)e **bertrand de michaellis conseiller du roy**  
**et recepveur general dés decimes** un desdictz  
fermiers devant m(aîtr)e anthoine bessier no(tai)re royal  
audict th(ou)l(ous)e lé **vingt troisesme du mois de septembre**  
de l( )annee derniere **mil six cens cinquante un**  
qu( )il a( )devers soy en original, lequel de( )gré en  
ladicte qualitté a baillé et **baille a( )ferme et**  
**arrentement** au sieur **durand lacourt marchand**  
**residant audict villemur** stipulant et acceptant  
sçavoir est **les rentes oubljes et droict de lodz**  
**deubz a( )monseigneur le viscomte de ladicte ville**  
& qu( )icelluy a accoustumé de prendre **dans lé**  
**consulat du lieu dé villette**, a( )la **rezerve du**  
**droict de sang amandes inquant et bailye** pour  
lé temps et terme de **trois années** quy ont prins  
leur comancement le premier du mois de janvier  
de ladicte annee derniere mil six cens cinquante  
un & finissant lé dernier du mois de decembre  
mil six cens cinquante trois avec promesse  
dé l( )en faire jouir moyenant lé prix et somme

.....

i. ° xiiij.

dé **cent cinquante livres** t(ournoi)z pour lesdictes trois  
années a quoi la delivrance luy en a esté faicte  
comme plus offrant et dernier sur disant aux  
cries et proclamations sur cé faictes aux lieux  
et en la forme accoustumée laquelle somme de  
cent cinquante livres ledict lacourt sera tenu  
paier ausdictz sieurs fermiers sçavoir la  
moitje a la feste de toussaincts a l autre moitjé  
a la feste dé noel prochains precisement, comme  
aussy sera tenu dé remettre ez mains desdictz

sieurs fermiers a la fin dudict terme lé roolle  
et denombrement au vray dés possessions et  
nom des personnes sur lesquelles ledict droict  
aura esté levé et exéhicé et a( )tenir ce dessus  
ainsy stipulé par les parties icelles ont obliges  
sçavoir ledict bonnet lés biens desdictz sieurs  
fermiers en vertu de la susdicte procura(ti)on &  
ledict lacourt lés siens propres presans et  
advenir qu ont soubsmis aux rigueurs dé  
justice avec les renonciations requises et  
l( )ont juré a( )dieu par serement presans  
jean filhes et gabriel malpel praticiens a villemur  
signes avec les parties et moi no(tai)re

Bonnet          Lacourt    Malpel

Filhes, p(rese)nt    Custos, not(air)e r(oyal)

Et advenu lé **vingt sixiesme** jour du mois de **septembre** ]regnant[  
an lieu regnant et par devant qui dessus estably en personne lé susdict  
lacourt, lequel de gré a associé et assossie m(aîtr)e **jean talon no(tai)re rojal de  
villette** stipulant et acceptant sçavoir est pour la moitje de l( )afferme  
contenue au contract cj contrescript, soubz le mesme prix et soubz les  
mesmes pactes et conditions et callisfications esprimees audict contract

.....  
de la teneur duquel  
ledict talon a déclaré  
estre certisfié,  
c( )est pourquoi a  
promis et promet  
de l( )observer pontuellement  
a( )son esgard soubz  
les mesmes obliga(ti)ons  
submissions  
renonciations  
et serement y( )contenus  
presans m(aîtr)e bertrand  
ratier et( )gabriel  
malpel praticiens  
de( )villemur signes  
avec les parties  
et moi no(tai)re

Lacourt

Talon

Ratier, p(rese)nt

Malpel, p(rese)nt

Custos

not(air)e